



Broj: 04/5-50-15-134-20/18
Sarajevo, 31.1.2018.

IZVJEŠTAJ O RADU
DELEGACIJE PARLAMENTARNE SKUPŠTINE BiH U PARLAMENTARNOJ
SKUPŠTINI NATO-a ZA 2017. GODINU

1. Uvodne napomene

Na osnovu člana 193. stav (3) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj 79/14) i člana 180. stav (3) Poslovnika Doma naroda Parlamentarne skupštine Bosne i Hercegovine ("Službeni glasnik BiH", broj 59/14), Delegacija Parlamentarne skupštine Bosne i Hercegovine u Parlamentarnoj skupštini NATO-a na 20. sjednici, održanoj 31.1.2018., usvojila je

2. Pregled aktivnosti Delegacije PSBiH u Parlamentarnoj skupštini NATO-a u 2017. godini

U 2017. godini Delegacija PSBiH u Parlamentarnoj skupštini NATO-a održala je sedam sjednica.

Učešće Delegacije PSBiH na zasjedanjima, seminarima i sastancima u 2017. godini:

- Proljetno zasjedanje Parlamentarne skupštine NATO-a u Tbilisiju, Republika Gruzija, 27.-29.5.2017.
- Godišnje zasjedanje Parlamentarne skupštine NATO-a u Bukureštu, Republika Rumunija, 6.-9.10.2017.
- 94. Rose-Roth seminar Parlamentarne skupštine NATO-a i zajedanje Specijalne grupe PSNATO-a za Mediteran i zemlje MENA-e, održan u Sarajevu, Bosna i Hercegovina, 21.3.-23.3.2017.
- Posjeta članova Delegacije PSBiH u PSNATO-a i Potkomiteta za tranziciju i razvoj Parlamentarne skupštine NATO-a institucijama zakonodavne i izvršne vlasti Republike Srbije, Beograd, 12.-14.6.2017.
- Učešće Delegacije PSBiH u PSNATO-a u radu regionalnog skupa „Regionalna saradnja i sigurnost“, u organizaciji Skupštine Crne Gore, Cetinje, Crna Gora, 22.7.2017.
- Učešće članova Delegacije PSBiH u PSNATO-a na 96. Rose-Roth seminaru Parlamentarne skupštine NATO-a, održanom u Ljubljani, Republika Slovenija, 7.-9.11.2017.

- Učešće Delegacije PSBiH u PSNATO-a u radu Specijalne grupe PSNATO-a za Mediteran i Srednji istok, Rim, 23.-25.11.2017.

U radu proljetnog zasjedanja Parlamentarne skupštine NATO-a, održanog 26.5.-29.5.2017. u Tbilisiju, učestvovao je Nikola Lovrinović, predsjedavajući Delegacije PSBiH u Parlamentarnoj skupštini NATO-a.

Na 63. godišnjem zasjedanju Parlamentarne skupštine NATO-a, održanom 6.-9.10.2017. u Bukureštu, učestvovali su: Nikola Lovrinović, predsjedavajući, i Asim Sarajlić, član Delegacije PSBiH u Parlamentarnoj skupštini NATO-a.

Delegacija PSBiH u Parlamentarnoj skupštini NATO-a učestvovala je u aktivnostima PSNATO-a u svojstvu pridružene članice. U skladu s tim, članovi Delegacije PSBiH u PSNATO-a pridržavali su se ciljeva i programa postavljenih u planu aktivnosti (konferencije, seminari, rad u komitetima) Parlamentarne skupštine NATO-a za 2017. godinu.

Posebno značajne aktivnosti Delegacije PSBiH u PSNATO-a zabilježene su tokom održavanja 94. Rose-Roth seminaru PSNATO-a koji je u periodu 21.-23. marta 2017. godine održan u Sarajevu. Parlamentarna skupština NATO-a, Parlamentarna skupština BiH i Delegacija PSBiH u PSNATO-a bili su domaćini 94. Rose-Roth seminaru i zasjedanja Specijalne grupe PSNATO-a za Mediteran i zemlje MENA-e. U radu seminaru u ime Delegacije PSBiH u PSNATO-a učestvovali su Nikola Lovrinović, predsjedavajući, i Asim Sarajlić, član Delegacije.

Učesnicima seminaru su se, u skladu s programom, obratili Šefik Džaferović, predsjedavajući Predstavničkog doma PSBiH, Bariša Čolak, predsjedavajući Doma naroda PSBiH, Sifet Podžić, predsjedavajući Zajedničke komisije za odbranu i sigurnost BiH.

U radu seminaru učestvovali su Safet Softić, zamjenik predsjedavajućeg Doma naroda PSBiH, i Borislav Bojić, zamjenik predsjedavajućeg Zajedničke komisije za odbranu i sigurnost BiH.

Učesnicima seminaru obratili su se i: Mladen Ivanić, predsjedavajući Predsjedništva BiH, Denis Zvizdić, predsjedavajući Vijeća ministara BiH, Marina Pendeš, ministrica odbrane BiH, Dragan Mektić, ministar sigurnosti BiH, Josip Brkić, zamjenik ministra vanjskih poslova BiH, i Nedeljko Čubrilović, predsjednik Skupštine Republike Srpske.

U radu seminaru učestvovali su predstavnici 42 zemlje, od čega 19 članica PSNATO-a, 11 pridruženih članica PSNATO-a i 12 članica zemalja Specijalne grupe za zemlje MENA-e. U radu seminaru učestvovala su 152 parlamentarca, 53 eksperta i 27 predstavnika bh. institucija.

Zajednička služba Sekretarijata PSBiH u cijelosti je i prema predviđenom programu vrlo dobro realizirala planirane aktivnosti. Vlastitim sredstvima i raspoloživim kadrom - službenici i zaposlenici - na vrijeme su urađeni svi planirani zadaci i obaveze.

Tokom seminaru organiziran je prijem u Gradskoj vijećnici u Sarajevu 21.3.2017. kao i posjeta Franjevačkom samostanu Duha svetog u Fojnici 23.3., muzeju, knjižari i galeriji, te su fratri pripremili i prigodan program za sve učesnike seminaru.

Također, od posebnog značaja bilo je učešće Delegacije PSBiH u PSNATO-a na skupu koji je održan na Cetinju 22.7.2017., kada su članovi Komiteta za odbranu i sigurnost i članovi delegacija parlamentarnih zemalja Zapadnog Balkana u PSNATO-a bili u prilici tokom dvodnevnog rada razmijeniti informacije o aktuelnim sigurnosnim izazovima i regionalnoj saradnji. Domaćin skupa bila je Skupština Crne Gore.

U sadašnjoj fazi i aktivnostima koje Bosna i Hercegovina provodi s NATO-om značaj učešća na zasjedanjima Parlamentarne skupštine NATO-a je višestruk. Članovi Delegacije PSBiH u PSNATO-a učestvovali su, kao što se vidi, na proljetnom i godišnjem zasjedanju, kao i u radu komiteta koji razmatraju stanje u zemljama Zapadnog Balkana i u Bosni i Hercegovini posebno. Članovi Delegacije davali su prijedloge i sugestije na ponuđene dokumente (deklaracije i rezolucije) te iznosili svoje i mišljenje Delegacije o određenim pitanjima o kojima se razgovaralo tokom konferencija i seminara.

Članovi Delegacije bili su u prilici susresti se s predstavnicima drugih delegacija, stalnih i pridruženih članica, razmijeniti s njima mišljenja o određenoj problematici te lobirati za ostvarivanje ciljeva za koje se Bosna i Hercegovina opredijelila svojom zvaničnom vanjskom politikom.

Posebno značajni kontakti tokom 2017. godine ostvareni su s delegacijama Republike Crne Gore, Republike Srbije, Republike Hrvatske i Republike Slovenije gdje se redovno i u prijateljskoj atmosferi razmjenjuju mišljenja o brojnim pitanjima iz oblasti evropskih i euroatlantskih integracija.

U prilogu su informacije o učešću Delegacije PSBiH na zasjedanjima, seminarima, komitetima Parlamentarne skupštine NATO-a tokom 2017. godine.

PREDSJEDAVAJUĆI DELEGACIJE
Nikola Lovrinović

Prilog:

- informacije i izvještaji s godišnjih zasjedanja, seminara i aktivnosti komiteta (prema hronologiji navedenoj u Izvještaju u radu Delegacije za 2017. godinu)